



Na osnovu člana 15. stav 1. tačka 2. Zakona o principima lokalne samouprave u Federaciji BiH („Službene novine Federacije BiH“ broj: 49/06 i 51/09), člana 18 Smjernica Federalnog ministarstva finansija o minimalnim standardima dodjele budžetskih sredstava putem transfera i subvencija u FBiH („Službene novine FBiH“ broj: 37/24), člana 17 i 39. Statuta Općine Travnik („Službene novine Općine Travnik“, broj 11/05 i 51/09) i saglasno Odluci o izvršenju Budžeta Općine Travnik za svaku kalendarsku godinu, općinski načelnik **d o n o s i**

PROGRAM

utroška sredstava iz Budžeta Općine Travnik u 2025 godini “Tekući transfer udruženjima građana - Transfer za izgradnju i održavanje spomen obilježja, mezarja i grobalja”

I

Program utroška sredstava iz Budžeta Općine Travnik u 2025 godini “Tekući transfer udruženjima građana - Transfer za izgradnju i održavanje spomen obilježja, mezarja i grobalja” temelji se na odobrenim sredstvima za ovu namjenu u Budžetu Općine Travnik u 2025 godini.

II

Ukupan iznos budžetskih sredstava za namjenu iz tačke I. ovog Programa je 28.600,00 KM.

III

Pravo prijave na Javni poziv ima udruženje branilaca registrovana na općinskom nivou.

IV

Program utroška budžetskih sredstava ima za cilj očuvanje tekovina odbrambeno-oslobodilačkog rata 92-95 godina, podržavanje rada boračkih udruženja koje svojim radom doprinose podizanju svijesti građana o značaju očuvanja kulturno-historijske tradicije, a što je u vezi sa strateškim ciljem 2, prioritet 2.4. Strategije Općine Travnik 2022-2027.

V

Raspodjela novčanih sredstava vršit će se prema sljedećim kriterijima:

- raspoloživa sredstva u općinskom budžetu za 2025. godinu za navedene namjene
- vrijednost programa prema projektu i prijavi
- iznos sredstava udruženja namijenjena za realizaciju programa
- značaj realizacije projekta za društvenu zajednicu i očuvanje tekovina odbrambeno-oslobodilačkog rata 92-95 godina
- kontinuitet u realizaciji projekata iz odbrambeno-oslobodilačkog rata 92-95 godina
- datum osnivanja udruženja branilaca, podnosioca prijave.

Udruženjima branilaca kojima su u prethodnoj budžetskoj godini odobrena sredstva za iste namjene, a nisu dostavili izvještaj o utrošku dodijeljenih sredstava, neće biti dodijeljena sredstva prema ovom Programu.

Novčana sredstva prema ovom Programu mogu biti odobrena za jedan projekat po podnesenoj jednoj prijavi samo jedanput godišnje.

Sredstva po osnovu ovog Programa dodjeljuju se jednokratno.

VI

Za dodjelu novčanih sredstava prema ovom Programu raspisat će se Javni poziv kojim će se propisati uslovi, način, postupak dodjele sredstava kao i dokumentacija koju je potrebno priložiti uz prijavu na Javni poziv.

Javni poziv se objavljuje na internet stranici Općine Travnik i traje 30 dana od dana objave.

Proceduru odobravanja sredstava po raspisanom Javnom pozivu provodi Odbor za boračka pitanja Općinskog vijeća Travnik koji će svojom posebnom Odlukom utvrditi iznos odobrenih budžetskih sredstava po svakoj pojedinačnoj prijavi sa podacima o podnosiocima prijave na Javni poziv čije su prijave odobrene i istu objaviti na Oglasnoj ploči i web stranici Općine Travnik.

VII

Sa korisnicima novčanih sredstava prema ovom Programu bit će sklopljen ugovor o dodjeli sredstava.

Udruženje branilaca kome su dodijeljena finansijska sredstva prema ovom Programu dužno je najkasnije do 31.03. iduće godine Općini Travnik dostaviti detaljan izvještaj o namjenskom utrošku dodijeljenih budžetskih sredstava sa priloženim fiskalnim računima, foto dokumentacijom i dr.

Broj: 01-04-21-5-1388/25
Datum: 04.06.2025. godine

